



Broj:

Sarajevo, 14.04.2017. godine

MEDIJIMA

PREDMET: Saopćenje za javnost

Informacija o bankarskom sistemu Federacije BiH za 2016. godinu

Na dan 31.12.2016. godine u Federaciji BiH bankarsku dozvolu imalo je 15 banaka. Broj banaka je za dvije banke manji nego na kraju 2015. godine (17 banaka), zbog statusnih promjena pripajanja. Broj zaposlenih sa 31.12.2016. godine iznosi 6.615, što je za 1% ili 68 zaposlenih manje u odnosu na kraj 2015. godine.

U 2016. godini nastavljen je (četvrtu godinu zaredom) pozitivan trend rasta bilansne sume, a za očekivati je da će se isti trend nastaviti i u narednom periodu. Bilansna suma bankarskog sektora sa 31.12.2016. godine iznosi 18,4 milijarde KM i za 1,2 milijardu KM ili 7,1% je veća nego na kraju 2015. godine.

Kreditni, kao najveća stavka aktive banaka, u 2016. godini su zabilježili rast od 5,7% ili 659 miliona KM i na kraju godine iznose 12,3 milijarde KM. U 2016. godini zabilježena su i pozitivna kretanja u segmentu sektorskog kreditiranja, odnosno veće kreditiranje privatnih preduzeća nego stanovništva.

Novčana sredstva iznose 5,2 milijarde KM ili 28,3% bilansne sume banaka u FBiH i u 2016. godini ostvarila su rast od 7,1% ili 347 miliona KM.

U strukturi izvora finansiranja banaka depoziti su, u iznosu od 14,2 milijarde KM, najznačajniji izvor finansiranja banaka u FBiH, te su u 2016. godini povećali svoje učešće na 77% (na kraju 2015. godine 76,3%). Štedni depoziti, kao najznačajniji i najveći segment depozitnog i finansijskog potencijala banaka, zadržali su pozitivan trend rasta i na kraju 2016. godine iznosili 7,9 milijardi KM, što je za 9,1% ili 662 miliona KM više nego na kraju 2015.

Kreditne obaveze banaka iznosile su 848 miliona KM ili 4,6% od ukupnih izvora finansiranja i manje su u odnosu na kraj 2015. godine za 56 miliona KM ili 6,2%.

Ukupni kapital banaka sa 31.12.2016. godine iznosi 2,7 milijardi KM (dionički 1,2 milijarde KM), što je za 5,4% ili 138 miliona KM više nego na kraju 2015. godine. Najveći pozitivan utjecaj na kapital imalo je povećanje po osnovu ostvarene dobiti, te dokapitalizacije kod tri banke.